

Communicaziun allas medias

La Scuntrada e Formaziun festivescha siu giubileum da 20 onns

Laax, igl 1. da settember – La Scuntrada e Formaziun dalla regiun Surselva a Laax festivescha oz siu giubileum da 20 onns. L’instituziun ei ina scola per 45 vischnaucas e 26’000 habitonts e vegn finanziada sulettamein dils participonts allas scolaziuns e dall’economia privata. Ensemen cugl Agid Svizzer per la Muntogna sustegn la Swisscom Broadcasting SA la Scuntrada e possibilitescha aschia ina vasta purschida da scolaziun per la regiun da muntogna Surselva.

Persunalitads enconuschentas, sco per exempel il mister Svizra Renzo Blumenthal, han frequentau la Scuntrada. La purschida da scolaziun dalla Scuntrada e Formaziun tonscha da lungatgs jasters sco tudestg, talian ni engles, allas enconuschientschas dalla societad e la cultura tochen tier la scolaziun commerziala, cuors da gestiun, la scienza natirala ni l’informatica. Las lecziuns vegnan fatgas mo per romontsch e muort la structura decentrala dalla populaziun han ellas liug en differents loghens. Quei engregviescha supplementarmein l’organisaziun.

Il presdient digl Agid Svizzer per la Muntogna, igl anteriur cusseglier federal Adolf Ogi, ha accentuau a caschun dalla festividad a Laax la muntada dalla Scuntrada e Formaziun: “Igl access ed il diever da pusseivladads da scolaziun e da formaziun cuntinuada ei la pli impurtonta cumponenta da success per segirar las basas da viver dalla populaziun da muntogna.”

Giovanni Conti, CEO dalla Swisscom Broadcast SA ha suttastrihau la responsablidad sociala da quell’interpresa. “Cun nies engaschament vulein nus sustener in project che ha finamiras innovativas e dureivlas per segirar il futur e che vesa la societad d’informaziun en territoris decentralis sco schanza”, di Conti.

La finala ha Martin Mathiuet, gestiunari dalla Scuntrada e Formaziun, fatg resortir la muntada dalla Scuntrada sco ligiom impurtont per la solidaritad sociala en ina regiun da muntogna cun ina populaziun decentrala sco ella Surselva. Per sviluppar e realisar concepts progressivs seigi la scola in catalisatur impurtont.

Igl Agid Svizzer per la Muntogna ei in’organisaziun finanziada sulettamein tras donaziuns ed ha igl intent da meglierar las basas d’existenza e las cundiziuns da viver ellas regions da muntogna svizas. El sustegn cunzun l’agricultura da muntogna e promova igl agid a sesez dils purs da muntogna sco era cuminonzas da vischnaucas e vals ellas regions da muntogna. Igl onn 2004 ha el sustegniu rodund 750 projects cun varga 18 milliuns francs ed ha aschia caschunau investiziuns ella dimensiun da rodund 100 milliuns francs. Momentanmein porscha el agid immediat, direct ed examinabel per ils pertuccai dallas malauras.

La Swisscom Broadcast SA ei la furnitura principala en Svizra d’infrastructura per la transmissiun senza cabel e dils survetschs da plivaleta relativs. L’interpresa s’auda per 100%



alla Swisscom SA ed ei dapi igl 1. da schaner 2002 ina societad anonima independenta. Ella occupescha 240 collaboraturs, dils quals 160 ein engaschai ellas regiuns.

Ulteriurs documents sco era ils texts originals dils referats da dr. Giovanni Conti, Swisscom Broadcast SA, Martin Mathiuet, Scuntrada e Formaziun sco era d'Adolf Ogi, president dalla fundaziun Agid Svizzer per la Muntogna anfleis Vus sut www.berghilfe.ch.

Per damondas eventualas:

Claudia Kohlschütter
Swisscom Broadcast SA
tel. 079 264 87 44
claudia.kohlschuetter@swisscom.com

Hugo Höhn
Agid Svizzer per la Muntogna
tel. 079 431 34 84
hugo.hoehn@berghilfe.ch